

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O O CONCELLO DE NOIA PARA A REALIZACIÓN DE OBRAS DE MELLORA NO PAVILLÓN MUNICIPAL AGUSTÍN MOURIS

I. Departamento que tramita o convenio.

A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

II. Antecedentes.

A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Noia para a realización de obras de mellora no pavillón municipal Agustín Mourís.

O Decreto 136/2024, do 20 de maio, polo que se fixa a estrutura orgánica da Consellería de Presidencia, Xustiza e Deportes, é o departamento da Xunta de Galicia ao cal lle corresponde a elaboración, proposta e execución da política do Goberno galego en materia de Administración local.

Os artigos 194 e 195 da Lei 5/1997, do 22 de xullo, de administración de Galicia, establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscripción de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan a promoción do deporte e instalacións deportivas e de ocupación do tempo libre.

III. Finalidade.

Para os efectos sinalados, tense previsto formalizar co concello de Noia o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2024.

IV. Obxecto do convenio.

Este convenio ten por obxecto fixar as liñas de colaboración entre a Consellería de Presidencia, Xustiza e Deportes e o Concello de Noia para realización de obras de mellora no pavillón municipal Agustín Mourís, cuxa desagregación se inclúe no anexo I do convenio, do cal forma parte.



V. Fundamentos do convenio.

O Concello de Noia manifestou a necesidade de asistencia por parte da Consellería de Presidencia, Xustiza e Deportes a substitución de material de cuberta e pintado do local socio deportivo de Torres.

O antigo pavillón municipal denominado "Agustín Mourís", anteriormente tamén chamado antigo pavillón ou pavillón da rúa Rosalía de Castro, configúrase como unha das infraestruturas máis emblemáticas e representativas do feito deportivo no municipio de Noia.

Sitúase no centro do casco urbano e nel véñense desempeñando desde décadas atrás multitude de disciplinas deportivas (baloncesto, balonmano, fútbol sala, taekwondo, etc), tanto no campo do deporte profesional e federado como no asociativo, colectivo e/ou individual, dando así satisfacción ás demandas da veciñanza no eido deportivo.

Non obstante, nos últimos anos experimentouse un notable auxe na disciplina coñecida como fútbol sala, na que o club noiés "Noia, Portus Apostoli" foi ascendendo de "divisións" ata acadar a categoría de honra. Este feito tamén converteuse nun factor substancial para que as categorías inferiores experimentasen un alto crecemento de mozas/os que se apuntaron nos respectivos grupos para a práctica desta modalidade deportiva.

Un dos datos máis salientables que fan imprescindible a construción dunha novo bancada no pavillón deriva da multitude de afeccionados que nos días de encontros deportivos solicitan entrada para asistir aos sucesivos eventos, de maneira que a capacidade actual non reúne as características tanto para satisfacer esta demanda como para dar cumprimento ás esixencias que a Federación establece para que se poidan desenvolver as competicións e distintos encontros que teñen lugar na única instalación habilitada para esta modalidade deportiva.

Coa actuación proposta preténdese dar satisfacción a ditas necesidades, de maneira que poida lograr un maior aforo cos requisitos de seguridade necesarios para o público asistente, adoptándose como solución, tal como se explica na memoria técnica, realizada polo arquitecto Jose R. Abeijón García a "execución dunha bancada elevada sobre as bancadas existentes no lado sur. Realizarase unha estrutura principal metálica composta por 6 piares 5 zancas (vigas principais) 4 viguetas ao longo de catro renxías.

Existirán dúas escaleiras de acceso, a ao lado esquerdo de nova execución en estrutura metálica; a ao lado dereito, aproveitarase a existente de formigón realizando un pequeno engadido. A estrutura auxiliar que conformará as pegadas e contrapegadas da bancada realizarase con cuadrangulares metálicos. Auméntase o aforo nuns 110 asentos."

Os artigos 25 e 26.1 da Lei 7/1985, de 2 de abril, reguladora das bases do réxime local e os artigos 80 e 81 da Lei 5/1997, do 22 de xullo, de administración local de Galicia, dispoñen que os municipios deberán prestar á súa cidadanía os servizos públicos que contribúan a satisfacer as necesidades e aspiracións da comunidade de veciños, entre as que se atopan a promoción do deporte e instalacións deportivas e de ocupación do tempo libre.

A necesidade da colaboración solicitada á Consellería acentúase pola confluencia doutros factores. Por unha banda, na actualidade non hai ningunha convocatoria en concorrencia á cal poida acollerse este proxecto nin se prevé nas próximas datas.

Por outra banda, a falta de recursos dun concello pequeno para poder acometer as devanditas actuacións, nun marco orzamentario restritivo, de austeridade e control do gasto público, e





necesariamente estable por imperativo legal para as entidades que integran a Administración local, configura un contexto do cal se derivan, entre outras consecuencias, a imposibilidade para o Concello de Noia de afrontar en solitario os compromisos económicos que a execución das actuacións obxecto de subvención, representan para a Facenda local.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Noia.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrência pública, xa que o obxecto do convenio é atender as circunstancias específicas dese concello para a mellora das infraestruturas municipais.

Incorpórase ao expediente declaración xustificando a imposibilidade de promover a concorrência pública, de acordo co establecido no citado artigo 26.2º.

Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

VI. Actuación da subvención

Obras de mellora no pavillón polideportivo municipal "Agustín Mourís" efectuando as seguintes actuacións:

Execución dunha bancada elevada sobre as bancadas existentes no lado sur.

Realizarase unha estrutura principal metálica composta por 6 piares +5 zancas (vigas principais) + 4 viguetas ao longo de catro renxías. Existirán dúas escaleiras de acceso, a do largo esquerdo da nova execución en estrutura metálica; a do lado dereito, que aproveitará a existente de formigón realizando un pequeno engadido. A estrutura auxiliar conformará as pegadas e contrapegadas da bancada realizarase con cuadrangulares metálicos. Aumentase o aforo nuns 110 asentos.

VII. Importe e aplicación orzamentaria.

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, achegará a cantidade máxima de **corenta mil**





euros (40.000€) IVE incluído, con cargo á aplicación orzamentaria 35.01.121A.760.0 (código de proxecto 2015 00088). Esta cantidade representa o 83,33 % do orzamento total do proxecto que constitúe o obxecto deste convenio, e que ascende a 48.200 €.

Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, na data da sinatura dixital

O secretario xeral técnico

Por suplencia (Decreto 136/2024, do 20 de maio)

A vicesecretaria xeral

Vanessa Cal Ríos

